

# Ko toi he uri o mahara pohewa



## NGĀ TOI

*Tau 9 - 10*

*Nā Boundream Limited*



**Te Kāwanatanga  
o Aotearoa**  
New Zealand Government

He mea whakaputaina e Boundream mā te Tāhuhu o te Mātauranga.

Nā Rāwiri Toia rātou ko Daisy Toia, ko Tabitha McKenzie, ko Rik Samuels o Boundream Limited tēnei rauemi i whakarite kia whakaputa ā-matihiko.

Ko Tabitha McKenzie te kaituhi.

Ko Jane Barratt, 'Design by Jane', te kaihoahoa.

Ko Katharine Hall te kaitāpikitia (te Uhi).

Kei a Boundream Limited ngā mana katoa mō ngā pikitia kei te uhi.

Kei Te Tāhuhu o te Mātauranga te mana tārua.



I whakaputaina tēnei pukapuka i te tau 2020

Mana pupuri ©Te Karauna 2020

# Ngā Toi



**Ko toi he uri o mahara pohewa!**

**Mā te Ākonga**



**He whakarāpopoto kōrero tēnei mō te kaupapa whakaako ‘Ko toi he uri o mahara pohewa’**

Ko ngā hua ka puta i tēnei kaupapa:

- He māramatanga ki te takenga mai o ngā huānga kei ngā mahi a te rēhia, ngā toi puoro me ngā toi ataata ki te ao Māori o nāianei;
- Te whakamātau, te whakamahi i ngā mahi a te rēhia, ngā toi puoro me ngā toi ataata i roto i ngā horopaki huhua;
- Ko te parahau i ngā whakaaro matua e hāngai ana te mahi toi, kia mārama ai aua kōrero ki te hunga whakarongo, ki te hunga mātakitaki. Kua whakaritea e waru (8) ngā ngohe mā te ākonga. E waru (8) ngā wiki ki te whakaoti i ngā ngohe katoa me te hopu i ngā mahi mō ngā ngohe aromatawai hei taunaki i ngā mahi.


***Karawhiua!***



## Ngohe 1

### Ngā Toroparawai


#### Ngā Mahi a Te Rēhia > Mahi > Taumata 3 > (Tau 9-10)

<b>He putanga</b>	<p>Kia taea e te ākonga:</p> <ul style="list-style-type: none"><li>• te whakaatu tika i ngā whakahoro waewae tekau (10)</li><li>• te whakarite, te whakaatu hoki i tētahi kapekapetau (combo) me ngā nekehanga, kia toru (3) meneti te roa</li></ul>
<b>Rauemi Hāpai</b>	<p>He wai māori, he taora, he taputapu ā-matihiko kia hono atu ki a Pukamata, kākahu tika mō te kori tinana.</p>
<b>Hei Mahi</b>	<ol style="list-style-type: none"><li>1. Ka whakamahana, ka ruirui hoki i tō tinana (kia 10 meneti te roa). Anei ngā momo mahi hei āwhina: oma, peke whetū (star jumps), noho hītengitengi (squats), māngaingai (lunges), ngoki pea (bear crawls) - kia 30 hēkona mō ia hākinakina, whakatā mō ngā hēkona e 5, kia toru ngā wā mō ia hākinakina (he āhua 10 meneti te roa). Kia kaha!</li><li>2. Ka mātakitaki i te whakaaturanga a Whakahoro waewae, feet movements, lesson 2 i te whārangi Pukamata a Kāinga Rua. Ko Mataia Keepa te kaiako.</li><li>3. Ka ako i ngā nekehanga 10 mai i te akoranga 1 (arā te ngoikū, māngaingai, whakamomoka, tīkaro, kōkirikiri poutahi, kōkirikiri pourua, kōkirikiri poutoru, ingoingo, hītekiteki, tīpata/kōpata).</li><li>4. Ka whakarite i tāu ake kapekapetau (combo) me ngā nekehanga. Kia 3 meneti te roa. Ka whakaatu tika i ngā nekehanga. Āta whakaarohia te mokowā, te āhua, te tauhanga, me te ūngeri i a koe e whakarite kapekapetau ana.</li><li>5. Kua e wareware kia tau te mauri, te tinana, te manawa hoki i te mutunga iho o tēnei mahi.</li></ol>
<b>Taunakitanga</b>	<p>Ka whakaatu koe i tō kapekapetau ki tētahi atu tangata, ka hopu ki te kāmera rānei.</p> 

## Ngohe 2

### Whakaahua Pateko

Ngā Toi Ataata > Mahi > Taumata 4 > (Tau 9-10)




<b>He putanga</b>	<p>Kia taea e te ākongā te:</p> <ul style="list-style-type: none"> <li>• whakaatu mōhio mō te whakamahi i ngā tukanga/pūkenga me ngā huānga hanga toi</li> <li>• tā whakaahua pateko (static) o ngā taonga e toru</li> </ul>
<b>Rauemi Hāpai</b>	<p>Ngā taonga e toru, he pepa, he pene rākau, he mea whakakoi pene rākau, he ūkui.</p>
<b>Hei Mahi</b>	<ol style="list-style-type: none"> <li>1. Ka kōwhiri i ngā taonga e toru i te kāinga.</li> <li>2. Ka whakarite i ia taonga ki runga i tētahi atamira.</li> <li>3. Kotahi te whakaahua. Mā te pene rākau koe e tā. He whakaahua pango me te mā. Āta whakaarohia ngā huānga toi ataata pērā i te:             <ul style="list-style-type: none"> <li>• rārangi</li> <li>• kauruku</li> <li>• āhua</li> <li>• mokowā</li> <li>• tae</li> <li>• kakano</li> </ul> </li> <li>4. Ka whakamahi hoki i ngā pūkenga pērā i te āwhata (scale), tirohanga pūrua (twopoint perspective) me te hōhonu/rohe ngangahu (depth).             <div data-bbox="746 1563 1088 1727" data-label="Image"> </div> </li> <li>5. Menā he kāmera tāu, hopu pikitia kia toru ngā wā kia whakaatu i te tukanga arā, i te tīmatanga, i waenganui, i te mutunga.</li> <li>6. Ka whakaatu i tō whakaahua ki tō whānau, ā, ka hanga, ka tiki i tētahi anga kia whakairi ki te pakitara o te whare.</li> </ol>
<b>Taunakitanga</b>	<p>Ka whakaatu koe i tō whakaahua pateko me ngā pikitia o te tukanga i a koe e tā whakaahua ana.</p>

## Ngohe 3

### Mahi Whai

Ngā Mahi a Te Rēhia > Mahi > Taumata 3 > (Tau 9-10)

<b>He putanga</b>	Kia taea e te ākongā te: <ul style="list-style-type: none"><li>• whakaatu tika i ētahi mahi whai</li><li>• whakaako i āna mahi whai ki tētahi atu.</li></ul>
<b>Rauemi Hāpai</b>	He whai, he taputapu ā-mati kia hono atu ki a Pukamata.
<b>Hei Mahi</b>	<ol style="list-style-type: none"><li>1. Ka rapu i tētahi here (string) kia hanga mahi whai.</li><li>2. Ka mātakitaki i te whakaaturanga <a href="#">Hiki Wairua #13 Mahi Whai</a> [pāwhiritia te honongaitua nei] kia ako i ngā mahi whai e toru arā, ko te:<ul style="list-style-type: none"><li>• rerehau</li><li>• <a href="#">Kapu me te Hoiha</a> [pāwhiritia te honongaitua nei]</li><li>• pātiki e rua, taimana e rua</li></ul></li><li>3. Ka whakaako koe i ngā mahi whai e toru ki tangata kē atu.</li><li>4. He wero kei te haere. Ka rapu i tētahi here anō engari he roa rawa i tēnei wā.</li><li>5. He mahi ā-rōpū tēnei. Ka hanga i te kapu me te hoiha engari mā ia tangata tētahi wāhanga o te here e pupuri, e raweke kia hanga i te kapu me te hoiha nui.</li><li>6. Mēnā he pai ngā whakataetae ki a koe, otirā koutou, ka tiki i tētahi matawā tumu (stop watch), ā, ka rēhi koutou ki a koutou anō. E hia te roa kia hanga koutou i te kapu me te hoiha? Karawhiua!</li><li>7. Hei whakaaro anō, ka tuku i te wero ki tētahi atu whānau.</li></ol>
<b>Taunakitanga</b>	<p>Ka mōhio tētahi atu tangata ki te hanga mahi whai mā āu tohutohu. Mēnā he kāmera āu, ka hopu i tāu akoranga.</p> 

## Ngohe 4

### He Tohu Ora

Ngā Toi Ataata > Mahi > Taumata 3 > (Tau 9-10)




<b>He putanga</b>	<p>Kia taea e te ākongā te:</p> <ul style="list-style-type: none"><li>• waihanga mahi toi ataata e whakaatu ana i te kaupapa o te 'ora', arā he pikitia me tētahi kōrero poto (by-line) e hāngai ana</li><li>• whakawhanake ariā mai i ngā taurira taketake me ō rātou wheako whaiaro.</li></ul>
<b>Rauemi Hāpai</b>	<p>He taputapu ā-matihiko me tētahi papatono kia waihanga pikitia, he pepa (hei taurira Procreate, PowerPoint), he pene rākau tae rānei (kei a koe te tikanga me pēhea koe e whakaatu ai), ngā pikitia hei āwhina i a koe ki te whai whakaaro.</p>
<b>Hei Mahi</b>	<ol style="list-style-type: none"><li>1. Ka ohia manomano i te kaupapa o te 'ora' kia whakaputa whakaaro, kia whakaoti rapanga, kia whakatakoto mahere hoki.</li><li>2. Anei ngā pātai hei ārahi, hei āwhina i a koe ki te waihanga tohu:<ul style="list-style-type: none"><li>• He aha te tino take o te whakaahua?</li><li>• Ko wai, he aha kei roto i tāu whakaahua? Ka aha rātou?</li><li>• He aha ngā momo tohu (symbols) ka taea?</li><li>• He aha ngā kupu e tino hāngai ana ki te whakaaro nui?</li><li>• Me pēhea koe e whakamahi ai i ngā tae?</li></ul></li><li>3. Ka waihanga i tāu pikitia mā te rorohiko, mā te pene me te pepa rānei.</li><li>4. Ka whakaatu koe i tāu pikitia ki te whānau, ki te whānau ā-ipurangi (mēnā ka whakaae ngā mātua) hei tohu manaaki.</li></ol>
<b>Taunakitanga</b>	<p>Ka whakaatu koe i tāu pikitia ki te whānau hei tohu manaaki.</p> <div style="border: 1px solid black; padding: 10px; text-align: center;"><p><b>Mā tātau katoa e ārai atu te COVID-19</b></p></div>

## Ngohe 5

### He Pao Atawhai

Ngā Toi Puoro > Mahi > Taumata 3 > (Tau 9-10)



<b>He Putanga</b>	<p>Kia taea e te ākongā te:</p> <ul style="list-style-type: none"><li>• waihanga pao mō tētahi kaupapa e hāngai ana ki te 'atawhaitia ngā tāngata katoa' (be kind)</li><li>• hanga noa i tētahi puoro auaha.</li></ul>
<b>Rauemi Hāpai</b>	He pukapuka, he pene, he pene rākau rānei.
<b>Hei Mahi</b>	<ol style="list-style-type: none"><li>1. Ka huritao koe i te kaupapa kia tau ai ngā tino whakaaro hei ārahi i te pao. (Tērā pea ka hono tēnei mahi ki te ngohe 4).</li><li>2. Ka tūhura i ngā huānga puoro e tika ana hei whakamāori i te kaupapa 'atawhaitia ngā tāngata katoa' pērā i te taki, te rangi, te ūngeri.</li><li>3. Ka āta whakaaro koe ki ngā taha rerehua ka puta kia rere pai ai ngā huānga toi.</li><li>4. Ka tuhi i ngā kupu mō tō pao.</li><li>5. Ka whakaharatau i tō pao kia rere pai ai ngā āhuatanga katoa.</li><li>6. Ka whakaatu i tō pao ki tō whānau kia mōhio hoki rātou, ā, ka hopu ki te kāmera.</li></ol>
<b>Taunakitanga</b>	<p>Ka tuhi i tō pao ki tāu hautaka hei taunaki i tāu mahi.</p> 



## Ngohe 6

### He Waiata Ngahau


Ngā Toi Puoro > Mahi > Taumata 3 > (Tau 9-10)

<b>He putanga</b>	<p>Kia taea e te ākonga te:</p> <ul style="list-style-type: none"><li>• hanga noa i tētahi waiata ngahau</li><li>• whakaatu i te tuinga ōpaki o te waiata ngahau.</li></ul>
<b>Rauemi Hāpai</b>	<p>He taputapu ā-mati, he taputapu puoro, he hautaka kia tuhi kupu mō te waiata.</p>
<b>Hei Mahi</b>	<ol style="list-style-type: none"><li>1. āta whakaarohia te kaupapa 'whakangahau whānau ki te kāinga' me ngā kupu ka puta mai. Ko wai mā ngā tāngata, te momo tangata rānei ki te kāinga, ā, ki tō whakaaro, ka pēhea nei tētahi waiata pai mā te whānau?</li><li>2. Ka tito tētahi waiata e whakakotahi atu ana ngā painga, ngā āhuetanga, tō ngākaunui ki ngā tāngata ki tō kāinga. Whakamahia ngā huānga, ngā pūkenga me te kaupapa kia rongo ai ngā kaiwhakarongo ki te rerehua o te waiata.</li><li>3. Ka tāpiri i tētahi rangi Pākehā, tētahi rangi Māori rānei ki te whakaniko i tō waiata.</li><li>4. Ka whakaharatau koe kia kounga ai te waiata ngahau.</li><li>5. Ka whakaatu koe i tō waiata ki te whānau hei whakangahau i a rātou.</li></ol>
<b>Taunakitanga</b>	<p>Ka tuhi koe i ngā kupu ki tō hautaka, ā, ka hopu i tō whakaaturanga ki te kāmera hei taunakitanga māu.</p> <div style="display: flex; justify-content: space-around; align-items: center;"></div>

## Ngohe 7

### He Ngahau 'Tik Tok'


Ngā Mahi a Te Rēhia > Mahi > Taumata 3 > (Tau 9-10)

<b>He putanga</b>	<p>Kia taea e te ākonga te:</p> <ul style="list-style-type: none"><li>• hanga nekehanga poto me te poi, te rākau rānei 'hei 'tik tok'</li><li>• arotake tūmomo nekehanga me tōna horopaki.</li></ul>
<b>Rauemi Hāpai</b>	<p>He taputapu ā-mati, he taputapu mō te nekehanga (arā, he rākau, he poi), he hoa kanikani (kei a koe te tikanga).</p> <p>Whārangi Pukamata #PassItOn#Maori#Rakau [<a href="https://www.facebook.com/1643769427/posts/10214331394672428/">https://www.facebook.com/1643769427/posts/10214331394672428/</a>]</p>
<b>Hei Mahi</b>	<ol style="list-style-type: none"><li>1. Ka āta whakaarohia te kaupapa 'whakangahau whānau i te kāinga' me ngā nekehanga ka puta mai. Ko wai ngā tāngata kei tō kāinga, kei tō mirumiru rānei ka taea te uru atu ki tō whakaaturanga? Whakaritea he rautaki kia tika te whakaraupapa nekehanga o tō 'tik tok'.</li><li>2. Ka hanga tētahi nekehanga poto hei mahinga mā tō whānau, tō rōpū rānei. Whakamahia ngā huānga, ngā pūkenga me te kaupapa kia rongō ai ngā kaimātakitaki i te rerehua o te nekehanga.</li><li>3. Ka whakaharatau koe kia kounga ai te whakaaturanga o ngā nekehanga me tō rākau, tō poi rānei.</li><li>4. Ka whakaatu koe i tō nekehanga ki te whānau hei whakangahau i a rātou.</li><li>5. Ka tuku hoki ki te paetukutuku o Tik Tok hei whakangahau i te minenga (mēnā ka whakaae ō mātua, ō kaitiaki) <a href="https://www.tiktok.com/">https://www.tiktok.com/</a>.</li><li>6. Hei tāpiritanga, ka tīmata i tētahi wero 'tuku ki tangata kē' (pass it on challenge) pēnei i tēnei <a href="https://www.tiktok.com/">#PassItOn#Maori#Rakau</a>. Tukua tō nekehanga ki tētahi hoa kura, ki tētahi whānau rānei kia haere tonu te mahi (mēnā ka whakaae ō mātua).</li></ol>
<b>Taunakitanga</b>	<p>Ka hopu koe i tāu whakaaturanga ki te kāmera hei taunakitanga māu.</p> 

## Ngohe 8

### Ngā Painga o te Noho ā-whānau

Ngā Toi Ataata > Mahi > Taumata 3 > (Tau 9-10)



<b>He putanga</b>	<p>Kia taea e te ākongā te:</p> <ul style="list-style-type: none"><li>• āta wetewete, te āta whiriwhiri hoki i ōna whakaaro toi ataata</li><li>• arotake i ngā āhuatanga o ngā whakaahua e hāngai ana ki tētahi kaupapa</li></ul>
<b>Rauemi Hāpai</b>	<p>He kāmera, he taputapu ā-matihiko, he pūmanawa rorohiko (computer software) pērā i te PowerPoint, Procreate.</p>
<b>Hei Mahi</b>	<ol style="list-style-type: none"><li>1. Ko te kaupapa o tēnei mahi kia tango whakaahua o ngā āhuatanga pai o te noho ā-whānau ki tō whare, ki tō murimiru rānei. Mō ia whakaahua, ka tuhi tapanga (caption) e hāngai pū ana ki te pūtake.</li><li>2. Ka āta arotake i te kaupapa me ngā whakaaro ka puta mai. Ko te āhua o te taiao, ko ngā momo mahi, ko ngā tāngata anō hoki. He nui ngā āhuatanga ka taea, arā, ko te harikoa, ko ngā momo mahi o te kāinga, ko ngā tohu Māori.</li><li>3. Mēnā he kāmera tāu, ka haere huri noa i te whare kia tango whakaahua o ngā āhuatanga ka hāngai ki te kaupapa hei taunaki i tō kaupapa. Ki te kore he kāmera tōu, pātai atu ki tētahi kei tō whare.</li><li>4. Ka kōwhiri i ngā whakaahua e toru.</li><li>5. I a koe e titiro ana ki ngā whakaahua kia whakaarohia ngā huānga toi ataata, pērā i te tae, te kauruku, te āhua, te mokowā. Whakautua ēnei pātai:<ul style="list-style-type: none"><li>• Ka kite koe i te aha? (hei tauira ko ngā tāngata, ngā tae, ngā koki (angles), ngā rama)</li><li>• He pēhea ngā whakaahua e whakaawe (impact) ai i a koe? (hei tauira he aha te kaupapa, he aha ngā tae kei roto, mēnā he tangata kei roto he aha tana āhuatanga)</li><li>• He aha te tino kaupapa o te whakaahua ki a koe?</li></ul></li><li>6. He āwhina ngā whakautu ki runga nei ki te tautohu i ngā tapanga (caption) mō ia whakaahua.</li><li>7. Ka tuku i ngā whakaahua ki tō rorohiko, ā, ka whakamahi i te pūmanawa rorohiko kua kōwhiria ki te tāpiri i ngā tapanga.</li><li>8. Ka tuku i āu whakaahua ki tō whānau, ki ngā hoa kura rānei, ā, ka tuhi rātou i tō rātou ake kōrero poto. Ka wānangahia ngā kōrero.</li></ol>
<b>Taunakitanga</b>	<p>Ka whakaatu koe i ō whakaahua me ngā kōrero e hāngai ana ki te whānau.</p>

# Ngā tohutoro me ngā mihi

Kei te mihi atu ki ngā ringa rehe o ngā toi, nā rātou ngā taunakitanga i roto i ngā pukapuka hei whai mā ngā rangatahi. Tēnā koutou!

- Te Uhi

Nā Boundream Ltd ngā whakaahua katoa.

- Ngohe Ako 1

Mataia Keepa

<https://www.facebook.com/watch/?v=837943100020827>

- Ngohe Ako 2

Sketch

[www.artmajeur.com](http://www.artmajeur.com)

- Ngohe Ako 3

Hiki Wairua #13: Mahi Whai

<https://www.facebook.com/watch/?v=2728464994055700>

Mahi Whai

[https://health.tki.org.nz/content/download/1604/17237/version/2/file/te-ao-kori-mahi-whai-cup-and-saucer\\_F9+512x288+%2816x9%29MASTER\\_576k.mp4](https://health.tki.org.nz/content/download/1604/17237/version/2/file/te-ao-kori-mahi-whai-cup-and-saucer_F9+512x288+%2816x9%29MASTER_576k.mp4)

- Ngohe Ako 7

Whārangī Pukamata #PassItOn#Maori#Rakau

<https://www.facebook.com/1643769427/posts/10214331394672428/>

Tik Tok

<https://www.tiktok.com/trending?lang=en>

- Ngohe Ako 8

Nā Tabitha McKenzie ngā whakaahua katoa.